

Šume Federacije

Bosne i Hercegovine

Šumski resursi važe za jedan od najvažnijih prirodnih resursa Bosne i Hercegovine. Šume Federacije BiH (FBiH) prostiru se na 1.518.385,8 ha, odnosno 58% cjelokupne površine entiteta. Najzastupljenije lišćarske vrste su bukva i hrast, a četinarske: jela, smrča i bor. 82% (1.241.385,8 ha) šuma u FBiH je u državnom vlasništvu, dok je 18% (277.000 ha) u privatnom vlasništvu.

Privatne šume imaju važnu ulogu za dobrobit ne samo njihovih vlasnika, već i cijelog društva u FBiH. Nažalost, šumskim resursima, naročito privatnim, se, u većini slučajeva, ne upravlja održivo.

One se ili pretjerano iskorištavaju ili su u potpunosti zanemarene, odnosno napuštene.



Šume su izvor materijalnih dobara i doprinose ekonomiji kroz:

- Sirovinski materijal za industriju
- Biomasu (npr. drvna sječka)
- Nedrvne šumske proizvode
- Izvor prihoda za zaposlenike u sektoru šumarstva i privatne šumoposjednike

Osim materijalnih dobara i ekonomske dobiti, šume su i prostor za:

- Uživanje u prirodi, miru i tišini
- Trčanje, šetnju, jahanje, biciklizam i druge rekreacijske aktivnosti
- Lov, ribolov i branje nedrvnih šumskih proizvoda
- Zaštitu kulturno-historijskog naslijeđa (npr. stećci)



Površina privatnih šuma u FBiH nije zanemariva; Ona je veća od površine države Luksemburg.



Preliminarni rezultati Druge nacionalne inventurice šuma u BiH (2006.-2009. godine) ukazuju na povećanje površina šuma (posebno u privatnom vlasništvu).

3,5 miliona

Oko 3,5 miliona ljudi zaposleno je u sektoru šumarstva i drvene industrije u Evropi. To je približno jednako broju zaposlenih u automobilskoj industriji.

16.000

Sektor šumarstva i drvoprađivačke industrije u BiH zapošljava više od 16.000 radnika što je 3,7% od ukupne radne snage BiH. S obzirom da šume kontinuirano rastu i imaju tendenciju širenja, moguće je i porast broja zaposlenika u sektoru.

70 miliona KM

Godišnja ekonomska vrijednost ekosistemskih usluga regulacije klimatskih promjena koju pružaju privatne šume u FBiH procijenjena je na oko 70 miliona KM.

Privatne šume su važne za dobrobit ne samo njihovih vlasnika, već i cijelog društva u FBiH.